



Ilis organisaturs, ilis cuschiniers internaziunals ed ilis cuschinunzs dals hotels da San Murezzan e conturn davant l'hotel Kempinski.



Tratgas exclusivas cuschinan ilis otg cuschiniers internaziunals.



Per cuschiniers giuvens è il festival per mangiabains segir er ina aventura.

En tuts regards in'aventura culinara

San Murezzan: 21. Gourmet Festival

DA GION NUTEGN STGIER / ANR

■ **I dat paucas occurrenzas per persunas cun buccas e nas fins che sveglian tant interess sco quella en l'Engiadin'Ota. La purschida culinara è in event d'emprima classa nua che la societad illustra vegn en rotscha per sa laschar ir bain. Er nus avain guardà als cuschinunzs sur ilis givels.** Il «Grand Opening» en l'hotel da tschintg stailas Kempinski a San Murezzan ha danovamain confermà ch'ils cuschiniers da num e pum van propi al limit culinar. Er tar l'occurrenza d'avertura dal festival han els fatg experiments e cumbinà spaisas che han insumma nagut da far ina cun l'autra. Particular è lura tutina che mintga piculezza ha ses agen gust er en cumbinaziun cun in auter product.

Da cuschinar pli fin è strusch pussaivel, è mintga singul plat stà ina vaira delicatessa. Tut en tut, en tuts regards ina aventura culinara tras la Germania e la Frantscha, l'Olanda, il Giapun ed ilis Stadis Unids da l'America. Da quels tschintg pajais èn ilis otg cuschiniers vegnids cun plaschair en l'Engiadin'Ota per pupragnar cun lur art da cuschinar ilis 4000 mangiabains da l'entir mund. A la fin han ilis cuschinunzs cuminaivlamain tuttina 17 stailas «Michelin», puncts da «Gault Millau» gist en rotscha e lura er chapitschas en seria per lura cuschina exclusiva.

Novs impuls culinars

Senza dubi tutga l'Engiadin'Ota tar ina da quellas regiuns sin il mund cun ina purschida culinara uschè auta sco paucas

autras. Sin in uschepitschen flatg radund 40 restaurants che figureschan en il «Gault Millau», quai è pli che be in aut nivel culinar. Grazia als cuschiniers internaziunals che vegnan al Gourmet Festival survegn la regiun per in'emna ulteriurs impuls culinars e da quels san tuts be profitar. Ilis pretzchs èn dentant in tema secundar, è l'interess per l'occurrenza er quest onn fitg grond. Mintga di cuschinan ilis stars cuschiniers èn il hotels da luxus a San Murezzan e conturn e lura cuminaivel tar la saira finala, nua che la tschaina exclusiva sin il lai da San Murezzan custa 600 francs per persuna. Singulara è segir era la «Kitchen Party» en l'hotel Palace che entschaiva la saira a las 22.30 e nua che tuts han occasiun da guardar als cuschiniers sur ilis givels e na-

tiralmain er laschar gustar las spaisas delicatas.

Dus cuschiniers franzos

In festival per persunas cun buccas e nas fins senza cuschiniers franzos, quai fiss segir in event incumplet. Da la partida èn actualmain *Mauvo Colagreco* dal restaurant Mirazur, in dals megliers locals a la Côte d'Azur ed actualmain il 28. meglier restaurant dal mund. Il cuschinier franzos cun ragischs argentinas aveva preparà in cumput da cudogn e chaschiel-chaura e lura ina mousseline ed in glatsch da safran. Omadus in vair daletg che merita il predicat excellent. Per in ulterior punct culminant da la saira ha er procurà *Yoann Conte* che maina il restaurant cun quel num ad Nancy en Frantscha. El ha servì

ina mousse da pulenta cun paintg caramelisà ed ensalà. Ina delicatessa èn lura er stads ses gnocchis a la moda piemontesa cun legums da ragisch. Singular è però er stà il crut asch cun citrona, ina spaisa simpla e tuttina fitg gustusa. Quai è ina spezialitad dal cuschinier *Andree Köthe* che cuschina a Nürnberg ed ha per sia cuschina exquisita duas stailas da «Michelin». Dad Amsterdam a San Murezzan è vegnì *Moshik Roth* ed el ha servì in cappuccino cun tartuffels Mona Lisa e triflas nairas, ditg auter ina schuppa fina e savurusa. Ina delicatessa è lura er stada la pulpa da tschierv en cumbinaziun cun ina merenga dal fritg da la Passiun che *Kurt Rössli*, il capo-cuschinunz da l'hotel Waldhaus Segl aveva fatg per la saira d'avertura. Cun ses giast-cuschinier *Palle Enevoldson*.



Charn da qualitat da la Mazlaria Peduzzi per il Gourmet Festival: Reto Mathis, president da l'occurrenza, Adelia Peduzzi e Pietro Peduzzi (da san.).



Kathrin Asprion, Sigi Asprion, president da vischnanca, Markus Hauser, hotelier e Gertrud Burkhalter, in giast fidaivel (da san.).



Duas hoteliers cun corp ed olma: Stefan Gareis, Parkhotel Zug e Felix Dietrich, Waldhaus Segl (da san.).



Cult a San Murezza è bain il possessur ed ospitant da la vinoteca «Pavarotti» (dretg) che vegn er numnà uschia. Qua cun in giast dal lieu.



Mainan cun success il Palace a San Murezzan: Hans Wiedemann e sia dunna Martha Wiedemann.



Il Gourmet Festival en l'Engiadin'Ota è ina occurrenza internaziunala.